

Ярглийсса мажлис

Февральданул 25-нний МахIачкъалалив Сайфуллагъ-къадинал цIанийсса мизитраву хьунни ярглийсса мажлис. Мажлисраву гьуртту хьунни лакрал щархъаву зузисса имамтал ва жамиятирттал вакилтал. Мажлис бачин бувну ия мизитрал имам Тумалаев Давуд-хIажи.

макъала: Расул ХIасанов

Гъази-Гъумучиял имам Саламов МухIаммад-хIажинал бувсунни Лаккуй диндалул тагъар хIакъинусса къини цукунсса дуссарив. «Лаккуйсса щархъаву мажлисирттай, мавлудирттай жамиятиртташтал хьуна бакълакьисса чIумал чIалан бикIай жулва халкъуннаву иман душиву, цанчирча, чак къабаймигума мавлуд дан, вяъза-насихIатрах вичIи дишин хьунмасса гьирарай бучIай, шяраваллил администрациялул бакIчитурая байбивхьуну. Вана укун, вичIи дихълай бур, амма чIавуминнал аьмал къабай. Иман дур, Ислам дакъар учин бучIир, цанчирча, Аллагънайн ﷻ вих бакъасса, МухIаммад Идавсин ﷺ инкар байсса агъали бакъар, муних-лугу алхIамдуллилагъ щукру. ЦIанасса чIумал нитти-бутталгу цалва оьрчIру мизитравун, мадрасалувун заназил буллай бакъар. Цала гьира бухьурча гъансар, бакъахьурча къагъансар, учай. Мукун баччи бакъасса тагъар дикIан къабучIир», – увкунни имамнал. Ккуллал райондалул имам Къурбанов Сиражудин-хIажинал цува зузисса райондалийсса диндалул иширттал тагъардания бувсукун, бувчIин бувунни мавлудрал цуксса хьунмасса кIану бугълагъиссарив агъали динналулчIан кIункIу бавриву. «МухIаммад Идавсил ﷺ заманнай асхIабтал Идавсил ﷺ чIарав бусса чIумал гайнна-ву иман хьиннура цIакъ хъанай,



исламрачIансса ччаву гуж хъанай диркIссар. ЦIана, Идавс ﷺ чIарав акъаса чIумал жунмасса даруну аьлимтурал ляркъуну дур мавлуд. ХIазран бакъарха гайксса луттирду мавлудрал ххирашиврун хас бувну чивчусса. ЦIанасса заманнай мавлудирттайхIинни халкъуннаву иман чантI учин дан шайсса», – увкунни ванал. Ваччиял шяраваллил имам Магадов Мухаммадрасул-хIажинал вяъза бия мукунма мавлудран хас бувну: «Гъарца заманнаву исламрал ххуллийн халкъуннайн оьвтIиминнал бикIайсса

цанма лайкъсса ярагъ, хIакъинусса къини лакрал щархъаву мукунсса ярагъ хъанахъиссар мавлуд. Цанчирча, мизитравун, нюжмар чаклин къабучIаймигума, мавлудрайн бучIан хьинну ххарину бикIай». Хьирив махъ лавхъсса Новостройрайсса ЦIуссаккуллал имам МухIаммадов ХIасан-хIажинал бувсунни мажлис-райн бавтIиминнахъ Новостройрайсса диндалул тагъардания. Мажлисрал ахирданий аьлимтурал жамиятрал суаллахъхьун жавабру дулунни.

Ва номерданий :



Имандалул дачIи



Алжан ниттихъал ччанналу



Устгазтурал, шайхтурал, валийтурал ххирашиву

«Бисмиллагъ» къаувкуну дайдирихьумуниву барачат къабикIайссар

МАШИНА БАЧИН БАВРИЛ АДАБРУ

Аллагъу Тааьланал ﷻ аьрщи ляхъан дуркун, инсантал ляхъан бувссар ва аьрщарай ялапар хъананшиврул. Ахиратраву талихI буминнавах хьуншиврул оьрму цукун бутан аьркинссариву Аллагънал ﷻ лахъхьин бувссар. МухIаммад Идавсил ﷺ бувчIин бувссар цумур тагъардануву ци дуллан аьркинссарив, амма цIанасса чIумал лагмасса техникалул ва машинарттал чIявшиврул цIаний дуссарив, ягу водителътурал ургъил бакъашиврул цIаний дуссарив, хьинну чIярусса аварияртту хъанай дур.



Мунин бувну, Къуръандалийн ва Идавсил ﷺ суннатрайн бувну, автомобиль ишла баврил, бачин баврил адабирттая бусанну, иншаАллагъ ﷻ. Цинявпагу водителътуран кIулну бикIан аьркинссар, цалва баччи бакъашиврул цIаний хьунмасса бала хьун бюхъайшиву, ва мунихсса жаваб ва дуняллий дакъасса, ахиратраву дикIантIишиву. Машина бачин байминнаву чIявусса бур мудан чуннив анаварсса, рахIатну бачин къабюхълахъиссагу. ЦIанасса чIумал лас акъа лирчIсса хъами ва ятинсса оьрчIру чIяву шав-

рил хьунмур аьйгу миннайри. Аллагъу Тааьла () Къуръанналув тIий ур (мяъна): «Вил ялун оьккмур бияврил аьй вийра дуссар» (сура ан-Нисаь, аят 79). «Зуйн бала бивхьурча, му зулва аьмаллал цIанийри бивсса» (сура аш-Шура, аят 30). Мунин бувну, жува адаб дурурчуну бикIарча, Аллагънал () жува балардаща буруччинтIиссару. Мукунсса чIумал Аллагънал ﷻ жуйнма бала гъан барчагу, му ахиратраву рахIатну лякъинтIиссар, муних жаваб дулунгу къабагъантIиссар. ▶▶ 6

Мизитирттал имамтурайнсса оьвчаву

ХІакъину жулва ялун бивну бур захІматсса замана. Лагмава бур питнарду хъанай. Гай питнарду хъанай бушиврул цаягу бусурманчув паракъатну къаитай-хъунссар.

Бусурманнал хІукуматирттай бур цукунчІавсса савав дакъасса дъявирду буллай, чІявусса бусурман литлай. Ва ишираву жуцава куннан-куннал цукунсса кумагри бан хъунтІисса? Оьмар-асхІабнал ﷺ Саъд ибну Вахъаслудан ﷺ чивчусса чагъарунниву тІий бивкІссар: «Бусурманнал ххувшавуртту ласайссар гайннал душмантал Аллагнайн ﷺ аьсивну бунутІий. Мукун бакъассания, жуцава гайннар ххув хъун къабюхъантІиссия, цанчирча гайнначІа жуярва ххуйсса ярагъгу бур, гай жуярва ххуйну хІадур хъунугу бур. Жувагу Аллагнал ﷺ хъхъичІ бунагъру булларча, гай жуярва ххув хъунтІиссар цалва гужрайну. Жува къянкъану Исламрал ххулу бугъарча, жуцава бюхъантІиссар гай бух бан, гужрайну бакъарча, Аллагнайн ﷺ мютІима ххув хъун лайкъсса унутІийри». Аллагу Таабланал Къуръанналуву увкуну бур (мяъна): «Аьрцарай ва хъхъирирдай оьшиву загъир хъунни халкъуннал каруннил буллалимур сававну, цалва буллалимунил тІин-тІааьн цанмагу бувчІиншиврул» (сура Ар-Рум, 41 аят). Мунин бувну, ххирасса уссурвал ва ссурвал, хъхъичІва-хъхъичІ жунма аьркинссар цалчин жувурасса диялдакъашивуртту, бунагъру лывкъуну, гай тІайла бан. Идавсил ﷺ



ХІадисраву увкуну бур: «*Дуаь бусурманчувнал ярагъри*», – куну. Мунияту жува хІакъину укун захІматсса тагъарданий бухъувкун, чара бакъа куннал-куннан ва цинявппа бусурманнал ххуйсса дуаь дуллан аьркинссару. Дагъусттаннал Бусурманнал Диндалул Идара оьвчаву дуллай бур циняв мизитирттал имамтурайн нюзмар чакливу ва мукунма гъарца фаризасса чакливу «Магъдина» («Къунут») дукланшиврул, Аллагу Таабланал ﷺ цинявпагу бусурман, хаснува жулва Дагъусттан гъарца фитна-балардая ххассал баншиврул. Гъарца фаризасса чакливу «Къунут» дуккин бучІишиврул далилну ва хІуччану хъанахъиссар машгъурсса аьлимтурал

махъру. Муния чІявусса фикъгъилул элмулул луттирдаву чивчуну бур, масала, имам ан-Нававил «аль-Мингъаж», Ибну ХІажардул «ТухІфатуль-МухІтаж», ар-Рамалил «Нигъятуль-МухІтаж» ва мукунма ацІвахъул цаймигу луттирдаву. Ччиманаща бюхъантІиссар ми луттирдаву «Къунутрая» буслалисса бутІуву ххал бан. Укунсса чІумал щак бакъа му дуккин бучІиссар ва дурккуну хъинссар. ЦІанасса чІумал «Магъдина» яларай чирчусса куццуй, бала-апатІирттая ххассал шаврин даркъуну дуккайссар. Аллагнал ﷺ къамул даннав жула дуаьртту! Цинявпагу бусурман, хаснува жулва Дагъусттан балардая, мусибатирттая буруччиннав. Амин!

اللَّهُمَّ اهْدِنِي « اهْدِنَا » فِيمَنْ هَدَيْتَ ، وَعَافِنِي « عَافِنَا » فِيمَنْ عَافَيْتَ ، وَتَوَلَّنِي « تَوَلَّنَا » فِيمَنْ تَوَلَّيْتَ ، وَبَارِكْ لِي « لَنَا » فِيمَا أَعْطَيْتَ ، وَقِي « قِنَا » بِرَحْمَتِكَ شَرَّ مَا قَضَيْتَ ، فَإِنَّكَ تَقْضِي وَلَا يُقْضَى عَلَيْكَ ، وَإِنَّهُ لَا يَدُلُّ مِنْ وَائْتِ ، وَلَا يَعْرِ مِنْ عَادَيْتَ ، تَبَارَكَ رَبَّنَا وَتَعَالَيْتَ ، فَلَكَ الْحَمْدُ عَلَى مَا قَضَيْتَ ، أَسْتَغْفِرُكَ وَأَتُوبُ « نَسْتَغْفِرُكَ وَتَتُوبُ » إِلَيْكَ ، اللَّهُمَّ كَفَّ عَنَّا شَرَّ مَنْ يُرِيدُ بِنَا سُوءًا فَإِنَّكَ أَشَدُّ بَأْسًا وَأَشَدُّ تَنْكِيلًا ، اللَّهُمَّ إِنَّا نَسْأَلُكَ الْإِسْتِقَامَةَ مَعَ التَّوْفِيقِ وَحُسْنَ الْخَاتِمَةِ ، اللَّهُمَّ اكْشِفْ عَنَّا مِنَ الْبَلَاءِ مَا لَا يَكْشِفُهُ غَيْرُكَ ، اللَّهُمَّ إِنَّا نَعُوذُ بِكَ مِنَ الْمَكْرِ وَالْإِسْتِدْرَاجِ مِنْ حَيْثُ لَا نَشْعُرُ فِي سَاعَةٍ مِنْ لَيْلٍ أَوْ نَهَارٍ بِرَحْمَتِكَ يَا أَرْحَمَ الرَّاحِمِينَ ، اللَّهُمَّ احْفَظْ بِلَادَ الْمُسْلِمِينَ وَدَاغِيسْتَانَ خَاصَّةً ، مِنْ جَمِيعِ الْمَصَائِبِ وَالْآفَاتِ وَالْبَلِيَّاتِ بِرَحْمَتِكَ يَا أَرْحَمَ الرَّاحِمِينَ ، اللَّهُمَّ اضْرِبْ بَعْضَ الظَّالِمِينَ بِالظَّالِمِينَ وَأَخْرِجْنَا مِنْ بَيْنِهِمْ سَالِمِينَ ، وَصَلَّى اللهُ تَعَالَى وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ ، رَبِّ « رَبَّنَا » اغْفِرْ وَارْحَمْ وَأَنْتَ خَيْرُ الرَّاحِمِينَ ، آمِينَ

Аллагъуммагъдини (на) фиман гъадайт, ва аьфини (на) фиман аьфайт, ва таваллани (на) фиман таваллайт, ва барик ли (лана) фима аьтІайт. Ва къни (на) бирахІматика шарра ма къазайт, фаиннака такъзи валя юкъза аьляйк. Ва иннагу ля язиллю мав-валяйт, ва ля яззу ман аьдайт. Табаракта Раббана ва тааьляйт. Фалякаль-хІамду аьля ма къазайт. (Н) Астагъфирука ва атубу иляйк. Аллагъумма куффу аьнна шара ман юриду бина суан фаиннака ашадду баьсан ва ашадду танкиля. Аллагъумма инна насъалюкаль истикъамата мааь-таваффикъи ва ахІусналь-хатимагъ. Аллагъумма-кишиф

аьнна маналь балая ма ла якшифугъу гъайрук. Аллагъумма инна наоъзу бика минал макри валь истидражи мин хІайсу ла нашоъру фи сааьтин мин лайлин ав нагъарин бирахІматика я архІама-р-рахІимин. Аллагъума-хІфаз биладаль-муслимина ва Дагъистанна хассатан мин жамил масаби валь афати валь балийати бирахІматика я архІама-р-рахІимин. Аллагъумма-зриб баъза ззалимина би-з-залимина ва ахрижна мин байнигъим салимин. Ва саллялагу тааьля ва салляма аьля хайри халкъигъи МухІаммадив-ва аьля алигъи ва асхабигъи ажмазн, раббигъфир вархІам ва анта хайру-ррахІимин.

Думуний щукру

Оьрмулуву инсаннан хъуна дакъай чІярусса захІматшивуртту, цІуцІавуртту, бала-апатІру, мискиншиву. Ми гъарзад Аллагнал ﷺ жуйнна гъан дайссар жулва хІал ххал бан. Миннува яла захІматмургу хъанахъиссар цаманал хІакъилу личІаву. Дунияллуха зун ихтияр дулаврил аслугу хъанахъиссар цаманачІан ка тІиртІуну къаличІаву. Цанчирча, га цуксса къянкъасса инсан ухъурчагу, таманан цайминнал хъхъичІ къювкъуну чІалан икІайссар. Муниятури муъминсса бусурманчувнан лайкъсса цанна Аллагу Таабланал дуллумуний рязишиву дан, цуксса чансса дуллуну духъурчагу, мунийну оьрму бутан бюхълай бухъурча. Ххирасса МухІаммад Идавсил ﷺ увкуссар: «Цалва ялун бивсса захІматшиву яла гъан даншиврул цайминная кумаг тІалав бан ихтияр дуссар, амма Аллагнахъ ﷺ цанна бигъашиву чІа учайманайн гацІана ягу чансса махъ бигъашиву диянтІиссар» (Абу Давуд). Цамур хІадисраву увкуну бур: «Мискинну ливчІисса ягу ссайн унугу хІажат хъусса инсаннал му цалла аьркиншиву халкъунная кІучІ дурну, Заннайн ﷺ таваккал буллай ухъурча, Аллагнал ﷺ мунан ризкъ булайссар». Хъинну захІматсса иширавун агъну акъахъурча, думуний гъашиву дурну, халкъуннал, махлукъатрал кумаграйн хъул къабивхъуну, яхІ баву хъинссар. Амма мукун яхІ бан захІматсса тагъарданий уманал цаманал дуллумур къамул давривугу цичІав оьккисса бакъассар. Муъминчувнал хъуншиву халкъунначІа думунин хъул къабивхъуну, Аллагнал ﷺ дуллумуний гъашиву давриву дуссар.

Абу Гъурайратлул бувсъсса хІадисраву Идавсил ﷺ увкуну бур: «Ттун ккаккан бувуна алжаннавун хъхъичІва хъхъичІ буххансса шама инсан ва дуржагъравун хъхъичІва-хъхъичІ буххансса шама. Алжаннавун хъхъичІва-хъхъичІ бухханмигу - хІакъсса шагъид, цала залуннан ххуйну къуллузгъ буллай ивкІсса лагъ ва хъунмасса кулпат бунсса, амма гай бунагъ баврия ва цайминнахъ зад дула тІий занази баврия бурувчумари» – куну. Цаманакъ кумаг чІа учаву кагу хъхъичІун дургъуну, садакъа бува тІий заназиминнал куннасса дикІан къааьркинссар. Каши дусса инсаннахъ вилла аьркиншивруя, ялун бивсса буржирдая бусавугу кумаг тІалав бавуну хъанахъиссар. Инсан цала тагъарданий рязину ухъурча, ганал цалва хІал гъарцаннан кІул хъун къабитайссар, ай цалва оьрмулувусса захІматшивруттая буслан къаикІайссар. ХІадисраву увкуну бур: «ЧІярусса хъус душиву авадашиву дакъар. Авадашиву - думуний щукру бавури», – куну. Думуний рязину бикІай Аллагнал тавфикъ булуннав. Амин.

isaassalam@gmail.com

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Махди-хаджи МУТАИЛОВ</p> <p>Главный редактор Патимат ГАМЗАТОВА</p>	<p>Редактор Иса ОМАРОВ</p> <p>Канонический редактор Курамухаммад МАГОМЕДОВ</p> <p>Корректор Курбанисмаил АМИРОВ</p> <p>Ответственный секретарь Ахмад МАГОМЕДОВ</p> <p>Менеджер Абдусабир АХМЕДОВ</p> <p>Дизайн, вёрстка Лейла ГУСЕЙНОВА</p>	<p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20</p> <p>Заказ № _____</p> <p>Тираж 2.900 экз. Сдано в печать 29 февраля 2012 г. в 20:00</p>	<p>Индекс 51388 Адрес редакции 367015, РД, г. Махачкала, ул. Азиза Алиева 2. Тел.: (8722) 61-00-64.</p> <p>По вопросам подписки и доставки обращаться по телефону: по Республике Дагестан – 8-988-699-28-24 по г. Махачкале – (8722) 914-222.</p> <p>E-mail: assalamlak@mail.ru; www.assalam.ru</p>
--	---	---	---

Идавсил   кьинилун 70-лла тавба дайсса диркӀссар

Исламраву тавбалул хъинну хъунмасса кӀану бугълагъиссар. МухӀаммад Идавсил   хӀадисраву увкуну бур: «Аллагънал   хъхувай Цалва цимилул къапурду титтайссар дяхтта бунагъ бувманал тавба къамул даншиврул. Чани хъуннин ми къапурду тивтлуну биклайссар» (Муслим).

макъала: Ислам ХӀамзатов

Гъарца бунагърах чара бакъа тавба дан аьркинссар. Бунагъругу биклайссар кӀива журацца:

– Халкъуннащал бавхӀусса
– Инсаннал ва Аллагънал   дянивсса, халкъуннащал къабавхӀусса.
Халкъуннащал бавхӀусса бунагъ цумурди чирча – му хъанахъиссар масала, щин бунугу зарал биян баву, зулму баву, обьса махъ учаву ва м.ц. Мукунсса бунагърая дурсса тавба къамул даврилгу дуссар мукъра шартӀ:

1. Га бунагъ баву къадитаву;
2. Бунагъ цалва бувну бикӀаврия пашман шаву;
3. Ттиния махъ тачӀав га бунагъ баврин зана къаикӀансса къанкъасса нийят даву;
4. Цалва зарал биян бувманахъу багъишла ити учаву, дарцусса ягу зерххусса зад духъурча гагу зана даву;

Аллагънал   ва лагънал дянивсса бунагъ, тӀурча, му хъанахъиссар бусурманчувнал цайва Аллагънал   ялув бусса бурж биттур къабаву ягу бан хӀарам бувмур баву. Мукунманал тавба къамул даврилгу дуссар мукъра шарт:

1. Га бунагъ къабитаву;
2. Бунагъ баврия пашман шаву;
3. Га бунагъраин ттиния тихунай зана къаикӀансса нийят даву;
4. Чак, зума, закат ва м.ц. хъирихъ лахъаву.

Вай шартӀирдавасса царагу биттур къадарча, тавбагу щаллу къашайссар, Аллагъналгу   къамул къадан бюхъайссар. ДакӀнихтуну тавба дарча, Аллагъу Тааьланал бунагъру шюшайссар, цуксса хъунисса бухъурчагу. Мунин далилнугу дуссар МухӀаммад Идавсил   хӀадис: «Цалва бувсса бунагъирттая тавба дурма бувагу бунагъ къабувма кунассар». Цамур хӀадисраву увкуну бур: «Шамилва «Астагъфируллагъ-ль Аьзима лази ла илагъа илла гъува ль хӀайа-ль къайума ва атубу илайгъи» увкуманал бунагъру шюшайссар [хъун бунагъру личӀаннин] гай хъхъириувсса хъамаксса чӀявусса бухъурчагума». Имам Аль-Бухаринал бувцусса хӀадисраву увкуну бур: «Валлагъи на Аллагънахъ   ттула ялтту учӀу тӀий кьинилун арулцӀалилла тавба дувара» (Бухари, 6307). Ялагу Идавсил   увкуссар: «Аьрцарая ссавруннайн бияннинсса бунагъру бухъурчагу, тавба дарча Аллагънал   гай багъишла битантӀиссар». Ххирасса уссурвал ва ссурвал! Тавба так мазрах даву къагъассар. «Астагъфируллагъ» учаврищал архӀал дакӀгу пашман хъуну дикӀан аьркинссар. Мазрах «астагъфируллагъ» тӀий, амма дакӀ пашман къашайминная Идавсил   увкуссар: «Мазрах тавба дуллай, амма ялагу гайва бунагъру буллалими Аллагъ   къаькълухун ихълахъимийри».

Бунагъирттая урувчуну ляхъан увсса Идавсилгума   кьинилун арулцӀалилла тавба дайсса диркӀхъурча, бунагъирттал бувцӀусса жунмагу аьркинни шайсаксса чӀявуну Аллагънахъ   жува багъишла битаву чӀа учаван. Аллагънал   кумаг баннав жува мудан тавба дайминनावух бикӀан. Амин!

Имандалул дачӀи

ХӀакъину жунма чӀалай бур ссавур дакъашиврул халкъуннал дянив буллалисса питнарду, куннал-ку литӀавурду ва кулпатру лиявурду. Вай циняв хъанахъиссар инсантал Аллагъу Тааьланал шариаьтраву ккаккан бувмуния тинмай шаврил хӀасиллу. Ссавур даврийну инсантал тӀабиаьтту хасиятту ххуй шайссар. Ссавур дусса инсан Аллагънан   ххирассар, сси бизайма щӀйтӀаннун ххирассар. АллагъначӀан   гъан шайссар имандалийхчӀин, имандалийн гъан шайссар ссавурданыйхчӀин. Аьли-асхӀабнал   увкуссар: «Имандалулу ссавур чурххайсса бакӀ кунмассар: бакӀ бакъаманал чурх къабикӀайсса кунма ссавур дакъаманал имангу къадикӀайссар», – куну.

макъала: Камал Сагидов

Ссавур даврил ххирашивруа Къуръандалулу ва хӀадисраву чӀявуну бувсун буссар. Аллагъу Тааьланал Идавсил   амру бувсар чапурнал цанма буллалисса заралунничӀа ссавур дува куну: Аллагъ   тӀий ур: «Ина ссавур дува хъхъичӀивасса идавстурал кунна». Мукунма, Аллагъ   тӀий ур муьминтурахъ: «Я иман дирхъуми, зу гъазаватрай ссавур дувара». Цамур аятраву увкуну бур: «Я иман дирхъуми, зу цинявпагу иширттаву Аллагънал   кумаг тӀалав бувара ссавурданыйну ва чак баврийну, хӀакъну, Аллагъ   уссар ссавур дайминнащал». Мунияту пашманшиву, захӀматшиву ялун дирсса чӀумал идавсил   лавай ивзун чак байсса бивкӀссар кӀа аятту бувккуну. КӀа аятраву Аллагъу Тааьланал чак баву ва ссавур даву цачӀу бивхъуну бур, цанчирча, чӀакъачӀалачӀисса аьмаллава щӀйтӀанун яла захӀматмур ссавурди, загъирсса аьмаллава яла захӀматмур чак бавури. Къуръандалулу 70-ва кӀанай буссар ссавур даврия чивчуну. Хъиншивурту гъарца шаврил ва даражартту лавайшиврул ахъулссагу ссавурди куну бур. МухӀаммад Идавсил   хӀадисраву увкуну бур: «Къаркъалагу хъуннасса, ламамигу цая ниьга бусайма гуж бума акъар, гуж бумари сситтучӀа ссавур дан шайма». ХӀадисул-къудсилулу Аллагънал   увкуну бур: «Муьминчувнал гъанчу ивкӀукун, ганал ссавур дарча, На ганан алжан бакъа цамур зад къадулунна». Исламрал дайдихъулий авадансса чапуртурал мискинсса бусурманнай зулму-аькъуба дайсса диркӀссар. Гужсса аькуба хъуминनावух бивкӀссар Гаммар бин Ясирдул   кулпатту. Идавсил   гайннахъ увкуссар: «Ссавур дувара, я Ясирдул кулпат, хӀакъну Аллагъу Тааьланал зун алжан хӀадур бувну бур» – куну. Абу Гъурайратлул бувсусса хӀадисраву увкуну бур: «Муьминчувнайн дийсса къашайшиврул, пашманшиврул, заралуннил чара бакъа ганал бунагъру шюшайссар». Цамур хӀадисраву увкуну бур: «Муьминчувнаягу, муьминсса хъамтайналуягу бала-апат яла къалагайссар ганищал архӀал бунагъру марцӀ къавхъуну». Ссавур даву Аллагъу Тааьла-

нал так инсаннан дулуну дур: хӀайвантран ва малаиктуран къадулуссар. Ссавурданул бикӀайссар жура-журацца даражартту. Ца даража хъанахъиссар эбадатраву ссавур даву, бунагъирттая махъунай хъанай. Аллагъналгу Къуръандалулу увкуну бур: «Зу ссавур дувара дяхтта ва хъхъурай Аллагънал   рязишиву тӀалав дурну, ганахъ чӀа тӀиминнащал архӀал». КӀилчинмур даража хъанахъиссар ялун бивсса балардачӀа ссавур даву. ХӀадисул-къудсилулу увкуну бур: «Алагъ тӀий ур: На ца Ттула лагънайн бала гъан бувкун, ганал чурххайн бикӀу, оьрчӀайн бикӀу, хъуслийн бикӀу, ганал му балаллучӀа ххуйну ссавур дарча, Къиямасса кьини цинцилттугу дирхъуну ганан хӀисаб дан Ттун нач хъуссар». Мунияту хъуниса асхӀабтал ва имамтал ххари шайсса

тая уручча».

Ца чӀумал Идавсил   Мадианул агъулданухъ, зу муьминталлул, куну цӀувххуссар. Омьмар-асхӀабнал   увкуссар, вай муьминталли, куну. Яла Идавсил   цӀувххуссар, зул имандалул лишан цири, куну. Гайннал увкуссар: «Жу аваданшивруву шукру бувару, балаллучӀа ссавур дувара, Аллагънал   чивчусса къадарданыйгу рязишиву дувара», – куну. «Валлагъ, на барашинна дуллай ура зу муьминтал бушиву», – увкуссар Идавсил  . Омьмар-асхӀаблул   Абу Муса АшъаьричӀан   чивчусса чагъарданулу увкуну бур: «На вин васият буллай ура ссавур дуну икӀан. КӀулу икӀу, ссавур кӀива журалийсса душиву, цаннир ца ххирасса: ялун бивсса балаллучӀа ссавур даву хъинну ххуйссар, амма мунияргу



Дунияллий ялун бивсса балардачӀа ссавур даврихъса чири – алжан.

бивкӀссар цалла ялун захӀматшиву дийхтту, мунийну цалва бунагъру марцӀ хъанай бур тӀий. Идавсил   увкуссар: «Ссавур дуссар шанна журацца: Аллагънахъ   эбадат давривусса ссавур, ялун бивсса бала бухӀавривусса ссавур ва бунагъ къабуллай икӀавривусса ссавур. Ялун бивсса балаллучӀа ссавур дайманан 300 даража чичайссар. Аллагънахъ   эбадат давриву ссавур дайманан 600 даража чичайссар, бунагъ къабуллай ссавур дайманан 900 даража чичайссар». Мунин бувну, жунма аьркинссар бала ялун бивсса чӀумал ссавур дан. Имам Бухаринал бувцусса хӀадисраву увкуну бур: «Бала ялун бияхттура дурмур ссавурди хӀакъмур». Чири чичайссар куну, хӀадисирттаву бувьсса ссавургу, аьлимутрал тӀимунин бувну, бала бивукун, гацӀана дурсса. Ца-цавай асхӀабтурал учайсса бивкӀссар: аькӀу бусса инсаннан лайкъссар бала бивукун гацӀана ссавур дан, ххюва гъантта лагайтту ччима ахӀмакъналгу дантӀиссар, куну. Цайнма ялун бала бивманал учин аьркинссар: «Инна лиллагъи ва инна илайгъи ражиоьн. Аллагъумма аьжурни фи мусибати ва-хлуж аьлайя хайран мингъа», ванил мянагу: «Жу дунияллий буссаксса хӀаллай Аллагънал   лагъартру, ливтӀукунгу АллагъначӀан   зана бикӀантӀиссару. Я Аллагъ, ва ттуйн ялун бивсса балаллуху ттун чиригу чича, ванияр махъу бала-апатирт-

ххуйссар Аллагънал   хӀарам бувмуния арх шаву. КӀулу икӀу ссавур имандалул дачӀири. Ххуйшивурттава яла ххуймур Аллагънахъ   ниьга увсун икӀавури, Аллагънахъ   ниьга усавугу ссавурданулу дуссар». Ца Аллагънан   ххирасса валинан макӀра Суфъян ас-Саври ккавккун ивкӀссар. Валинал ганахъ цӀувххуссар: «БивкӀуллул къурчӀишиву вин цукунсса ляркъур?» – куну. Савринал увкуссар: бивкӀуллул захӀматшивруа бувагу мацӀуххав, – куну. Ялагу га валинал цӀувххуссар: «Вин яла хъинмурну цумур аьмал льякъур?» – куну. Ганал увкуссар: «Цинявпагу хъинсса аьмаллал кумаг бувунни, амма на гъаттавусса хӀисабрая ххассал увунна ттула арс ивкӀусса чӀумал ссавур дурнутӀий. Аллагъу Тааьланал ттухъ увкуна: вин дакӀний бурив, вина ххирасса оьрчӀ ивкӀусса чӀумал ина ттуин шукругу бувну, ссавур дурсса, мунихлуну на вил бунагъругу багъишла битав, вил хъинсса аьмаллугу къамул бав, даражарттугу гъаз бав», – куну. Жунма кӀулу бикӀан аьркинссар, ссавур дурну хъинсса кӀантту кунма, буссар ссавур дан къабучӀисса кӀанттугу, масала, дин кьюкьин дуллай, идавстурайн, хӀакъсса аьлимтурайн, шайхтурайн ххуй бакъасса махъ тӀий бухъурча, гайннахъ тӀайласса махъ учин чара бакъа аьркинссар. Аллагънал жува неьматрачӀа шукру, балаллучӀа ссавур думинनावух хъун баннав. Амин!

Алжан ниттихъал ччанналу

Мухаммад Идавсил ﷺ увкуссар: «Алжан ниттихъал ччанналу буссар», – куну. Цамур хадисраву увкуну бур: «Аллагънал ﷺ рязишиву нитти-буттал рязишивуруву дуссар» – куну.

макъала: Муслим Оьмаров

Муса идавсил ﷺ гьалмахчу
Ца чумал Муса ﷺ идавсил дуаь дурссар Аллагу Тааьланахъ алжаннаву цала гьалмахчувну икнантима ккаккан ува, куну. Аллагъналгу ﷺ ганахъ увкуссар, му инсан цлана ва ххуллихъ ачинтиссар, куну. Му чумал ххуллихъ авчуну ур ца жагьил. Муса ﷺ авчуну ур ганал хъирив Алжаннуну ухханшиврул ганал ци ляличисса аьмал-эбадат дуллау урив ххал бан. Га жагьил ца къатлувун увххун, буккан бувну дикфул касак, царай шавхъун, ца хъуннар хъусса къарин букан буллуну бур. Га къатлува уккайтту Мусал ﷺ цувххуну бур: «Га хъамитайпа цуя?» – куну. «Га ттул нинури» – куну бур оьрчал. «Ганил вин ххуйсса дуаь дайхъунсар» – куну бур Муса ﷺ идавсил. «Оьрмулухун ганил ттун цара-ца дуаь дайссар» – увкуну бур жагьилнал, – «Му дуаьгу: я Аллагъ, ина ттул арс алжаннаву Муса ﷺ идавсил гьалмахчуну хъун ува!». Микку Муса ﷺ идавсил увкуну бур: «Ххаришиву дува, Аллагу Тааьлал вил ниттил дуаь къамул дурунни, на Мусара», – куну. Хадисиртгава жунмагу кфулли цала ниттиха хурмат байсса бусурманчунна Аллагъгу ﷺ рязину икнантисшиву, алжаннавунгу уххан аншиву.

Мукуьдалва ашрапи

Абуязид Бастами ниттил гъан увну ивкиссар Багъдадлив дуклан. Ачинин ганил Абуязидлухъхъун буллуссар буттая ливчисса мукуьдалва мусил ашрапи. Арс тлайла уклакани ниттил ганая махъ лавсэссар тачлав щялмахъ къабусан. Абуязидлугу къанкъану махъ буллуссар на тачлав щялмахъ къабусанна, куну. Ларсун гай арцугу, га авчусар Багъдадлив нанисса даххуласучитурал. Ххуллихъ най буну-ва гайннай къачагьтал ххавххун, думур хъус хъямала дурссар. Абуязид мискинну ларххун ккаккуну гайнал хъарчиран кунма цувххуссар: «Вичагу арцу дурив?» – куну. «Дур» – увкуссар ганал. Къачагьтал хъангу бивкун, циксса дур, куну цувххуссар. «Мукуьдалва мусил ашрапи». Яла гай цала бакчиналан лавгун, увкуссар: «Жу цинявннаша хъус зеххарду, амма

тикку ца махатталсса мискин оьрчи ур, цачара мукуьдалва мусил ашрапи бур тий. Амма та хъинну мискинса ушиву чалай буну, жу танацух цухлавагу къабишарду». Бакчинал Абуязид цачана учан увну цувххуссар: «Вича мяйжаннугу дурив ми арцу?» «Дур» – увкуссар ганал. «Ярч, жу вицух цухла



бихълай бакъарухха, дакъар куну щялмахъ циван къабусав?!», – махаттал хъуну ур къачагъ. «На ниттин махъ буллуссия тачлав щялмахъ къабусан, ттуца ганихъхъун буллусса махъ зия бан къахъунсар» – увкуну Абуязидлул дуккан дурну арцу ккаккан дурссар. Микку къачагьтурал бакчинал нач хъуну увкуну бур: «Жува буру Аллагнахъхъун ﷺ буллусса махъ бацан бан къахъанай, ва оьрчал ниттихъхъун буллусса махъгума зия къабувунни» – куну, пашман хъуну тавба дурссар. Ганал хъирив гайми къачагьтуралгу тавба дурссар. Вана укун ца жагьилнал цала ниттичансса хурматрахану махъ бувгунутий, гай къачагьтал тлайласса ххуллихъ зана хъуссар. Жувагу жула нитти-буттаха хурмат булларча, Аллагънал ﷺ хъхъичи жуйнма лавсэсса аманат биттур булларча, жуйхвачингу чявусса агъали тлайла бацантиссар, иншааллагу.

Кафарат

Ибну Аьббас ﷺ аслабначан ца инсан увкун увкуссар: «На уссияв ца душнихъ гужну эшкъи хъуну, амма га цукунчлав ттун хъун рязи хъа-

най бакъая. Цаппара халава цама увкуну га була учин, ганан хъун га душ гацана рязи хъуну. Ттун сси бивзуна, яла на га душ бивкуссия. Утти на ци бан аьркинсар?» – куну бур. Ибну Аьббаслул ﷺ цувххуну бур: «Вил нину сагъну дурив?» – куну. «Дакъар» – куну бур ганал. Яла Ибну Аьббаслул ﷺ

бувсун бур ганахъ ци бан аьркинсарив, цукунсса кафарат булун аьркинсарив. Чаравсса инсантал махаттал хъуну цухлан бивкун бур, нину сагъну дунугу, дакъанугу личишиву цири, тий. Ибну Аьббаслул ﷺ увкуну бур: «Бувсса бунагъру Аллагънал ﷺ багъишла битаншиврул ниттиха хурмат бавунияр ххуйсса эбадат ттун къакфулли», – куну. Бюхъай цуххин нину-ппу сагъну бунува гайннаха хурмат къабуллай ивкун утти гай дуняллия лавгун махъ пашман хъуманал цири бантисса, куну. Мукунман аьркинсар хатталлив лавгун гайннал гьаттардий «Ясин» бувкуну, гайннан чир булун. Цанчирча, Мухаммад Идавсил ﷺ хадисраву увкуну бур: «Ливтүминнал ялув «Ясин» булуккыяра» – куну (Насаи, Ибну Хиьбан). Ялагу, аьлимтурал тимунин бувну, гьарца чаклил хъирив нитти-буттаха ххуйсса дуаь дайма дуняллий гайннаха хурмат байма кунассар тлар. Мунияту, чаклил хъирив «Рабби-гьфирли ва ли валидайя ва лиман лагъу хлакъун аьлайя» тисса дуаь дурну хъинсар.

Компьютерданул барашинна

Американал ученый ва чичу Майкл Хартлул хукму бувну бур, инсантурал тарихрава ттурша яла ххалилмий инсан увчуну, миннатусса лу сакин бан, къадру лавайманал ца вайминнаяр хъхъичи дихълай. Щилчлав тарап къадугъаншиврул, Хартлул ва ганал кумагитурал компьютер ишла бувну бур. Компьютерданул программалуви бивхъуну бур гьарца инсанная кфулмур, ганал гъунар, ганал инсантурал бувмур, гайннал къадру-къимат, хъхъичуншивурту, гайннал инсантурал тарихрайн биян бувсса асар. Му даву дуллау бивкуну бур цимивагу зуруй. Компьютерданул хъирив лавну, ккаккан дурну дур турша тарихраву аьш-бак къаритсса инсаннал ца. Ялагу гай ттур-

шуннава компьютерданул увчин багълай бивкуну бур ца яла ххуйма. Хартлул къюк гьалакуну ришлай диркуну дур компютерданул кнопкалий крисса бизаннин. Компьютерданул экрандалул ккаккан дурну дур ца «Мухаммад Идавс ﷺ». Му ца ккаккайтту Хартлул ва ганал кумагитурал хал бивну бур. Гай вих хъуну бакъар, эксперимент цунуца даву тлав дуллан бивкуну бур, чу дунугу, машиналул тлайлакъашиву ита даркъхъунсар, тий. Цунуца хъиннува личлулну ххал буллан бивкуну бур гьарцанная кфулмур. Ялагу компьютерданул ккаккан дурну дур ца – «Мухаммад идавс ﷺ». Тарапшиву дакъа хъирив лавну, ученыйтурал мукру хъун багъну бур, жула

ххирасса Мухаммад ﷺ ушиврий яла хъхъичунна, яла ххалилма инсан циняв инсантуруву. Му даву дурну махъ, Майкл Хартлул чивчуну бур «тарихраву 100 инсан» тисса лу. Му луттираву цалчинмур клантуй уссар Мухаммад Идавс ﷺ, цуппагу ита бавкун бур Амерканаву. Миву шамулчинмур ца Эса идавсил дур. Ганал чивчусса луттираву бур: «...Кла (Мухаммад ﷺ) ивкуну ур диндалуви бикфу дуняллул иширттаву бикфу цинявннаяр хъунисса хъхъичуншивурту дурсса, халкъуннан мюнап биян бувсса. ...Утти, га дуняллия лавгун 14-ра туршук ларгуну махъгу, ганал щалагу дуняллий биян буллалисса асар хъинну хъунмасса бур».

Дуняллий хъанахъимунил къюлтшивурту

Муса идавсил ﷺ «Ттура Синай» зунтуй Аллагнашлал ﷺ гьалгъа тиний, чла увкуну бур: «Я Аллагъ, ттун Вила тлайлашиву ва Ина тлайласса диван байшиву чалачли дува», – куну.

макъала: Аьли Аьбиев

Аллагънал ﷺ мунахъ увкуну бур: «Я Муса, ина чумартсса ва ссавур дусса унува, вицагума къахъунтиссар ссавур дуван». Мусал ﷺ жаваб дуллуну бур: «Вил кумаграину ттуца хъунсар» – куну. Аллагънал ﷺ увкуну бур: «Насу пулансса щарашучан, ганил чарав лаивкун, Ттул Бюхъулугу, Ттул ххазинасса Аькьлулугу уруглагу». Муса ﷺ гиккун лавгун, ца бакфун лавхъун лаивкуну ур. Цакуну увкуну ур бурттигу, ливкуну ур чаяту, ивссуну ур чаклийн щарашуйсса щинай ва гичча хларчуну дур щин. Яла ганал бувкуну бур чулуха киса, циву азарва динар бусса, га цала чарав бивхъуну бур: бувну бур чак, яла лавхъуну ур чайн, кисагу хъама бивтун, лавгуну ур гичча. Ганал хъирив ца оьрчи увкун, щингу хларчун, га кисагу лавсун лавгуну ур. Яла увкуну ур ца мурчисса къужа, цала мякъгу лиххан бувну чаклингу ивссуну, айивхъуну ур чак буллау. Микку бурттигунан дакнин багъну бур цалва киса, зана хъуну ур щарашучан, гикку мурчи къужа ххал хъукун, тлав бувну бур: «Ттуца микку киса ливчунни, азарва динар бусса, ина акъа шиккун цучлав къаувкунни». «На мурчисса ура, цукунни ттун ххал хъун бюхъайсса вил киса?» – увкуну бур къужул. Бурттигунан сси бивзун, дуркуну цала тур, рирцуну къужлухъ га ивкуну ур, амма цала киса къалявкуну бур.

Мусал ﷺ увкуну бур: «Я Аллагъ, тти ссавур дансса гуж бакъар, Инагу Тлайлама гу, бувчин ба ттун шикку ци хъанахъиссарив?» – куну. Ливкуну Жабраил ﷺ малаик, увкуну бур: «Аллагънал ﷺ вихъ тий ур: «Ттун чалачиссар къюлтмур, кфулсар аьламатшивурту, вин къакфулмургу кфулсар! Га киса лавсуса оьрчал ларсуну дур цанна дагъаймур: га оьрчал ппу зий ивкуну ур га бурттигучла ва ганан булун багълай бивкуну бур кислуви бусаксса багъа. Амма ганал къабуллуну, оьрчал ппу ивкуну ур, утти ганал кланай, ганал арнал ларсуну дур арцу. Га къужул, мурчи хъуннин, ивкуну ур га бурттигул ппу. Утти ганалгу къисас лавсуну бур ва кланнамагу бакъай хъуну бур. Ттул Тлайлашиву ва диван баву тлайлассар, винма чалачисса куцуй». Мусан ﷺ гай цимурца бувчукун, хлайран хъуну, Аллагнахъ ﷺ ялтту учлу куну, тавба дурну дур.

Мухаммад Идавсил ۞ умматрал ххирашиву

Аллагъу Таабланал ۞ Мухаммад Идавс ۞ расулшиврий тлайла увссар дунияллий буцири циняв халкъунначлан, инсантурачлан, жиндардичлан, яъжуж-маъжужтурачлан, циняв халкъуннайн аьмну, хлатта малаиктурайну тийгума бур. Му тлайла увну махъсса циняв халкъ мунал уматнугу хъуссар. Миннай цинявнай уммату-д-дъватту учайссар, мунал ца бавсса уммат тиссар. Миннаятугу куннан Аллагнал ۞ гьидаят дуллуну, мунийну мютгий хъуну, иман дирхъуну муьминтал хъуссар. Миннай умматуль-ижабатту учайссар. Жаваб дуллусса уммат тиссар. Куврив Аллагнал ۞ гьидаятту хласул къадурну, имангу къадирхъуну хилиф хъуну чапургал хъуссар.

Мухаммад ۞ Идавсил муьминсса умматнир ххирасса уммат цаяту идавсил бакъссар. Мухаммад Идавс ۞ цайми идавстурату цуксса ххирасса ур, муксса мунал умматту ххирассар. Миннай махъ цайми умматту къабикантиссар. Ахирзаман букканнинсса халкъ мунал умматри. Аллагъу Таабланал ۞ цимилитур Мухаммад Идавсил ۞ уммат ахирзаманнул умматнугу буну, миннал оьрмурдугу кутла буну, миннал чансса амаллан хъунмасса чири буллуссагу. Расулуллагъанал ۞ дуь дурссар Аллагнайн ۞: «Ттул умматиннал оьрму кутла бунуни Ина, Аллагъ ۞, миннал оьрмулий бавсса чансса амаллал чиривагу гьарза ба», – куну. Аллагнал ۞ увкуссар: «На миннан килийнусса чири булунна», – куну. Расулуллагъанал ۞ увкуссар: «Ттигу гьарза ба», – куну. Аллагнал ۞ увкуссар ялагу: «Ца хъинмалдаран ацва чири булунна» – куну. Ялагу увкуссар Расулуллагъанал ۞: «Ттигу гьарза ба», – куну. Аллагнал ۞ увкуссар: «Миннал чири зияда баврил масъала, ца бугъусса къалмул куккудул масъалар, мунияту арула чали ххавхса, гьарца чалалуву ттуршва кукку бусса». Ми шайсар цаннин арулттуршва. Ялагу увкуссар Расулуллагъанал ۞: «Цал ттигу зияда ба, Аллагъ ۞», – куну. Аллагналгу ۞ увкуссар яла: «Савур дурминнан чири хисав дакъасса бикантисар» – куну. Мукун Мухаммадлул ۞ умматиннал хъиншиву зияда даврил хикматту, хъхичунмайсса умматиннал оьрмурду лахъисса бивкссар, амаллугу, тлаьтругу чярусса диркссар, ва умматрал оьрмурду кутлассар. Мунияту минналсса тлаьтиртгал чиригу зияда бавссар ххира-ххирасса барзру, кьинирду, сьятру, чуннугу дурссар гайннал тлаьтрунир вайннал тлаьтругу зияда хъун. Аллагъу Таабланал ۞ амрулийну аруйла Жабраил-малаик ливксар Мухаммадлул ۞. Хъхича-хъхич ливккукун, увкуссар: «Я Мухаммад ۞, Аллагъу Таабла ۞ тий ур, вил умматиннаятугу Цайна мютги хъуну цума ухъурчагу, Цал мунал цанма лайкъсса куццуйсса жазъ булунтиссар», – куну. Килчин ливккукунгу, увкуссар: «Миннал арулвагу базулх уругантиссар тий ур, ряхва базулийну Цайна аьсив хъуну, цаннийну мютгий хъурча, клай ряхвагу базу кла цаннин кунма булунтиссар», – тий. Шамилчин ливккукун увкуссар: «Миннал цалва бавсса бунагьиртгаяту марцину тавба дарча, ниттил лякълул увсса кьини куну, бунагърая марци банна», – тий ур куну. Мукбилчин ливккукун, увкуссар: «Бунагъру булла даимну ливчма, цуцдаврил утан увну, къашай анна бунагърая марци хъун, тий ур», – куну. Ххойлчин ливккукун увкуссар: «Бунагъру буну цума ухъурчагу, цалва бумур

оьккисса зад бувшиву цанма кил хъуну муний пашман хъурча, муналгу аьфву банна тий ур», – куну. Ряхкулчин ливккукун увкуссар: «Гьинттул мукъцалва гьантлий Гьавият тисса Дуржагъ титтинна, кинттул мукъцалва гьантлий Замгъарир титтинна, дуржагърал царал бадалданий бикан, тий ур», – куну. Арулчин ливккукунгу увкуссар: «Къиямасса Кьини хисаб ласайний хъунасса лавайманал заьсса лагнаша ласайсса кунна ласунна, тий ур», – куну. Муса Идавсил ۞ увкуссар: «Я Рабб, ттун ккавккуну Тавратраву цавай уммат бикантиссар тий, ца хъинсса амалданун ацва чири булайсса, оьсса амалданун ца бакъа жазъ къабулайсса, мий ттул умматну ба», – куну. Аллагнал ۞ увкуссар: «Мий Мухаммад Идавсил ۞ умматри, ахирзамандаву бикантисса», – куну. Адам Идавсилгу ۞ увкуссар: «Аллагъу Таабланал ۞ Мухаммад Идавсил ۞ уматиннан мукъра караматшиву дуллусар ттун къадуллусса», – куну. «Хъхичира-хъхичимур, ттул тавба Аллагъу Таабланал ۞ Маккалив дакъа къамул къадурссар, мунал умматинналсса чув дурнугу къамул дайссар», – куну. «Килчинмур, на Аллагнайн ۞ аьсив шайний, Алжанна-ву мадукара увкусса мурхъирая ахъулсса дуркуну, янна ларххун уссий. Мий дуркуну аьсив шайхтту, лирккун кчаца увунна, Мухаммадлул ۞ умматиннал кчацану буна аьсив хъуну, яла яннагу лахай», – куну. «Шамулчинмур, на Аллагнайн ۞ аьсив хъувкун, ттулгу ттул царссанилгу дянив личишиву дурну, арх бунуну, Мухаммадлул ۞ уммат аьсив шай, амма миннал арамувалгу, хъаннилгу дянив личишиву къадай», – куну, – «Муккулчинмур, на Алжанна-ву Аллагнайн ۞ аьсив хъувкун, мива уккан увунна, Мухаммадлул ۞ уммат дунияллий аьсив шай, яла тавба дарча, Алжаннавунгу буххан бай», – куну. Муса Идавсил ۞ умматиннал тавба цалва чурхру цалва литлаврийну дакъа къамул къадуллай диркссар. Мухаммадлул ۞ умматиннал тавба дахъва дакнийну пашман хъурчагу къамул дайссар. Муний хикматту, Муса Идавсил ۞ къавмдалул иман къадихълай бивкссар, Аллагъ ۞ жула яруннин загъир хъурча дакъа къадишинну тий. Мунияту миннал тавба цалва чурх загъирну литлаврийну дакъа къамул къадуллай диркссар. Мухаммадлул ۞ уматиннал архсса, янин ххал къашайсса иширтгайну иман дирхъуссар, мунияту миннал тавбагу дакнийну дарчагу къамул дайссар. Мукунма Аллагъу Таабланал ۞ Мухаммадлул ۞ уммат цайми-цайми чярусса караматиртгайну хъун бавссар. Хлатта цайми умматиннацла мунал уммат арцу-мусири, лягъу-жавагьирттур. Минначла цайми уммат хайвантуран хисавссар, букъавхуну бакъацайса. Мийрив циняв алимтал кунмассар. Миннан хасъсса цайминнан бакъасса задру чявусса буссар. Миннан лухччи щалла мизитну дурссар, чув чак барчагу къамул шайссар. Цайминнан цалва килсардаву бакъа бан къабучину бивкссар. Миннан щинан кантгай, таяммум бан аьрши марци даймурну дурссар, цайминнан цанма идавстуран бакъа дурус къабувссар таяммум бан. Миннан нажас ларсса кантту щинал марци бай бавссар, цайминнан ххартл буну къувкуну бакъа къамул къабуллай бивкссар, хлатта базу къукълай бивкссар. Миннан сапарданний, ягу ца оьзурулху чацун ласунгу ххуллу буллусар, цайминнан бакъассар. Хъатлан чак бавугу миннан хас бавссар,

цайминнал щилчав къабувссар. Азан учаву, къамат учаву миннан хасъссар, цайминнал щилчав къабувкуссар. «Аллагъу Акбар» куну чак бахлаву, рукуь даву, амин учаву, къиблалин лажинну ацлаву миннан хас дурссар. Жамаатрай чак баву, миннан хас бавссар. Нюжмар чак, эдрал чак баву миннан хас дурсар. Рамазан зурул ххирашиву миннан хас бавссар. Му зуруй хъхувай баргъ лавгун махъ чани дукканнингу за дукан, царссаничла утту ишин миннан халал бавссар, цайминнан шанан ивкун махъ ми задру бан хларам буну бивкссар, буварча зума дурус къахъанай диркссар. Исламрал дайдихъулий жунмагу хларам буну бивкссар, яла насху буну халал бавссар. Лайлатул Къадрилул ххирашиву миннан хас дурссар. Аьрафатрал, зума ритаврил, Аьшуралул кьинилул ххирашиву миннан хас дурссар. Салам булаву, хъуна авкунал ивзрав учаву миннан хас бавссар. Дукра дукайний, дуркукун кару шошаврил, щукру баврил хъиншивуртту миннан хасъссар. Хайван кьонкъараха биххаву миннан хас бавссар. Бакрахлу дахлаву, лялух зад дахлаву, кичиру бучлаву миннан хас дурссар. Гьаттаву хлатл бивккун бишаву миннан хас бавссар. Хъхичминнал хлатл къабуккайса бивксар. Хъуслия закят чан бавссар, хъхичунмайминнал мукъва бутлул ца бутла буккайса бивксар. Миннан мукъра шарсса цал архал дурдуну дитангу халалссар. Чил ивкунуна къисас къалавна дейят, аьчла лавсун итангу ихтир дуллуссар. Хъхичминнай къисас ласун ялувну бивкссар. Таоьн цуцлаву миннан рахматран мусаллатл дайссар. Хъхичминнан аьзавран, аькьубалун дуллай диркссар. Хъхичминнал дуллусса аьзабиртгайну аьзабу къадулун, мий кунма ккашийну, душмантурайнугу бюкьаврийну, цамур ццахандарайну цакуну циняв гьалак къабаншиврийнугу кутли дурссар Аллагнал ۞. Халкъуннаву баявур хъуну аьврат загъир къахъанаву увччу айсса зад хачангу хларам дурссар миннан. Хъхичивасса халкъуннан хларам дурсса зад миннан халал дурссагу чярусса дурссар. Миннаятугу кунушиву захматшиву яла гьан дурссар. Ласун къашайсса гиву къадирхъуссар. Хатлану, сагъвийну васвасрайну ягу хъама бивтун бавсса бунагърал, ягу цаманал гужрай бан увсса бунагърал аьфву байссар. Хасил, Мухаммадлул ۞ умматиннал оьрму кутлассар, амал чанссар, амма чири хъунмассар. Гьар куллу шайгърал ххазина миннан тивтгуссар, элмул ххазина тивтгуссар. хикматрал хулурду тивтгуссар, караматрал макъамрайн лахъаймири. Миннаву валийтал, акьлабал, абдалгал, авдатал, нукъабаттал, мужабаьтал буссар. Миннаву дукансса къадукайсса, хачансса къахачайсса, малаиктал кунмассагу буссар. Миннал аьлимталгу Бану Исраилтурал идавстураха лавхъхъуссар. Миннаву Эса Идавсин ۞ имамшиву дурну чак бансса иккантиссар, мугу Магъдири ۞. Луттирал таснифшиву дурну, мий буккан буну, элму загъир дурсса миннал аьлимтуралли. Хакъирай Аллагнал ۞ амрулий, Идавсил ۞ Шариаьтрай бавцусса халкъ минна чан къахъунтиссар Къиямасса Кьини дизаннин. Хлатта Аллагъу Таабланал ۞ миннахъ Кьуръандалий «Я муьминтал» куну хитаб дурссар. Хъхичиваминнан «Я мискитал» куну дайсса диркссар. Аллагъу Таабланал ۞ Цалла Цардаяту дуккан дурну кира цагума дирзсар миннан. Муслимунни

ца, Салам тисса Цалла цанияту ларссса, Муьминунгу килчинмур Муьминлияту ларссса. Миннай идавстурай кунма, чаклин иссаву ва гьуслу баву, хлаж баву, гьазават бавугу ялув бавссар. Мий бувминнан идавстуран булайсаксса чиригу булунтиссар. Минна гьазават байсса джигъдрал агьлугу бикантиссар. Минначан кумагран малаикталгу бучайссар. Миннал азандалул чу, лаббайкрал чу савруннайсса малаитуран байссар. Сси бивзукун «ля илягъа илляЛлагъ» учаймири, дяьви багъкун «Субханаллагъ» учаймири. Кьютлугу, загъирну гьарца чумал Аллагнаха ۞ хламд-щукру даймири. Лахънин лавхъкун такбир бишаймири. Лагънин бувчукун, тасбих даймири. Ца зад дан ччан бивккун «иншааллагъ» учаймири. Миннал хъинмигу хъиннува хъхичун бувмири, дянивмигу ххассар хъумири, хъиннува оьсса зулмукарталгу аьфву баймири. Миннаятугу дучлав Заннал ۞ рахму къабайсса, Мунал Цимилитугу эьки ливчусса къаиклайссар. Миннаха малаиктурал истигъфар буллалиссар, Хизри Идавсил ۞ дуь дуллалиссар, хъхичива-хъхичи гьаттаватугу бизан бантисса мунал умматри. Хъхичива-хъхичи Аьрасатлул ариг бучантгимийри. Хъхичира-хъхичи хисаб ласунтисса миннацар. Хисабрайн халкъ бацан бувкун, мий личийну лахъсса канай, бакрай бацан бантиссар. Миннал цайминнал дакъасса личийсса нурду дикантиссар. Хъхичива-хъхичи Алжаннавун буххантисса мийри, хлатта хисабрагу дакъа буххантиссагу чявусса бикантиссар. Миннал балугъ къавхъуна ливтгусса оьрчругу хилаф дакъа Алжаннаву бикантиссар, цайми умматинналсса биклаврийрив хилаф дур. Миннан дунияллий кумашивурду, захматшивурду, мискиншиву, апатлбаларду чяву бавссар Ахиратлувусса аьзабрал бигъа даншиврул. Хлатта Къиямасса Кьини Мухаммадлул ۞ умматиндайтусса гьарцаннан ца-ца чапурчув улунтиссар мунал канунин мунаятугу фидаьну Дуржагъравун утан. Алжаннул агудданул ттуршлий кура къюкъа дикантиссар миннаятугу мяйцалла къюкъа Мухаммадлул ۞ умматиндал дикантиссар. Мукъцалла цайми умматиннал дикантиссар. Амма Мухаммад ۞ Идавсил умматугу шанма журасса буссар. Ца жура малаиктураха лавхъхъусса, миннал пиша – Аллагнаха ۞ тахмид, тагълил, тасбих дуллалавур. Ккаши бащансса дукрагу, аьврат кичи дансса яннагу дакъа, цамур цичлав дунияллул хъус-хъиншиву тлалав къадайссар. Ца журагу идавстураха лавхъхъусса, миннал пиша-къастту – чак баву, зума дугъаву, цамур ебадат даву, хъинбалдарал ххуллий харж дансса халалсса, шак-шубгъа бакъасса хъусту ччай, мугу тлалав дуллалисса. Цавайгу гьатараха, хайвантураха лавхъхъусса, миннал пиша-къасдгу лаххан, дукан-хачан, шанан. Халал-хларам личи дакъа хъусту тлалав дулла, цайва ялувмургу тлайла къабуклай, фасадну оьрмурду гьан буллалиссар миннал. Мухаммадлул ۞ уммат муксса Аллагъу Таабланал ۞ ххира буну, хъун буну бухъувкун, гьарманал цува мунал умматраятугу аврий щукругу буну, хъхичимур журалиятугу иккан къабюхълай бухъурча, килчинмур журалий авцуну, Аллагнал ۞ фаризартту тлайла буклай, Идавсил ۞ суннатругу нани булла, хлараммуниятугу урувчуну иккан ялувссар.

«Насихлатуль-авьам» (Гьунчукъатлан)

«Бисмиллагь» къаувкуну дайди рхьумуниву барачат къабиклайссар

1 « Ва макъалалу машина бачин баврил адабирттая бусанну. Гай адабру биттур дурма, Аллагьнал ﷻ оьмунища уручинтгиссар, иншааллагь.

1. Машина бачин бан лахъхайсса кланай дуклакисса чумал, му дуккаврихъ хьинну хьуннасса къулагъас дан аьркинссар. Жула Идавсил ﷺ увкуссар: «*Аллагьнал ﷻ лагъ ци-дунугу ца даву дуллай ухьурча, Аллагьнан ﷻ мунал му даву камилну, щаллуну дурну ччиссар*» (Байгъакь).

2. Водительнал буржри цинярдагу машина бачин баврил низамру биттур дулла. Идавсгу ﷺ жухьва буслай ур, ци-дунугу ца санятраха зий ухьурча, мунивусса низам биттур дан аьркиншиву. Ми низамру биттур къадурнан Аллагьнал ﷻ хьхьичи жаваб дулун багъантгиссар.

3. Мудан чаклин ивссуну иклан хларачат бан аьркинссар. Водитель – хьинну нигъачийсса санятри. Мунин буну, ххуллий ивчлан чичру духьурча, чаклин ивссуну иклав хьинссар. Мухаммад Идавсил ﷺ увкуссар: «*Камилсса муьминчуври мудан чаклин ивссуну иклантгисса*» (Ибну Мажагь, Хаким). Бусала бур, ца салихсса муьминчув ивкшиву, ца хьхьуну арулцалийла чаклин ивссуну, икъвассуну ивчлаврия нигъачий.

Ялагу чаклин исаврил ххирашивруя жула Идавсил ﷺ увкуссар: «*Дяркууса кьини багъайкун чаклингу ивссуну, жамаатрай чак бумма, Аллагьнал ﷻ бунагьирттал аьфвугу буну, даражарттал лавай гъаз айссар*». Килчинма халиф Оьмардул ﷺ бувсьссар, камилну чаклин ивссуну щайтлан арх шайшиву, исаву бунутгий бусурманчувнал щайтланнушал талан иклайсса ярагь. Алимтурал тимиунийн буну, мудан чаклин ивссуну ума Аллагь Таабланал ﷻ арулла неьматрайну лавай антгиссар:

– Малаиктал мукуманашал дусшиву дан хларачат буллан биклайссар;

– Мунан мудан чире чичлантгиссар;

– Мунал щалва чурх Аллагнаха ﷻ тасбиhi буллантгиссар;

– Мукунсса инсаннаша иманнал хьирив ганащал архал чак бахлин буюьавантгиссар;

– Му шанашисса чумал, Аллагьнал ﷻ муначлан малаиктал гьан байссар, инсантурал ва жиннал оьшивурттая уручхайсса;

– Ивчлайний рух ласаву бигъа дантгиссар;

– Ивссуну уссаксса, гьарзатраву Аллагьнал ﷻ каба-къаву ва барачатшиву диклантгиссар.

4. Рульданух щяикланнин, хьинну хисав ларсун, хьирив лавну, машина цукун зий бурив ххал бан аьркинссар. Зия хьусса машиналий ххуллийн уккан цукунчлав къабучиссар.

5. Машиналий щяиклайний «Бисмиллагь-р-рахимани-р-рахим» увкуну, шамилва сура «аль-Къадр» (инна анзальнагь) увкуну хьинссар. Му сура шамийла увкуну машиналий щяивкма, иншааллагь, цулулу махьунай зана иклантгиссар.

6. Машиналий, автобусрай, ягу цамур транспортрай щяиклайсса чумал урчамур ччан хьхьичи лавсун щяиклан хларачат бан аьркинссар. Идавсил ﷺ циняр ххуйсса давуртту урчамур чулуха айивхьуну дайсса диркиссар.

7. Машина кьур баннингу «Бисмиллагь-р-рахимани-р-рахим» учин аьркинссар. «Бисмиллагь» къаувкуну дайди рхьусса давриву Аллагьнал ﷻ барачат къабишайссар», – увкуссар жула Мухаммад Идавсил ﷺ. (Абу Давуд, Насаи, Ибну Мажагь).

8. Машиналий щяиклайний дакниву Аллагнайн ﷻ щукру бан аьркинссар винна дуллусса неьматрах: вилва гуж ишла къабувну, инавагу, вилла къайгу анаварну аьркиннийн диян дайсса.

Яла ва дуаь дуккаийсар:

«Бисмиллагь, альхамдулиллягь, субхана-ля-лязи саххара ляна гъаза, ва ма кунна лагьу муькринина, ва инна иля раббина лямуькьалибун» Яла шамийла учайссар: «Альхамдулиллягь», «Аллагь акбар», «Субханааллагь». Хьирив учайссар: «Субханака, ля илягъа иля анта, къад залямту нафси фагьфир ли».

Архсса, лахьисса сапарданий уккаийний ва дуаь дуркуну хьинссар:

«Аллагьумма инни аьсалука фи сафари гъаза аль-бирра ва-т-такъва ва мина-ль-аьмали ма тарза. Аллагьумма гъаввин аьлайна сафарана

гъаза ва-т-ви лана-ль-буьда. Аллагьумма анта-с-сахлибу фи-с-сафари валь-халифату филь-агъли. Аллагьумма асхлибна фи сафарина фахлифна фи агълина. Аллагьумма инни аьбуз бика мин ваьсаи-с-сафари ва каабатиль манзари ва суиль-мункъаляби филь мали валь агъли валь валади».



Анавар увкун машина щун бурвманан муних жаваб ва дунияллий дакъасса, ахиратраву дулун багъантгиссар.

Буюьлай бухурча ва дуаьгу дуккинссар:

«Бисмиллагь Аллагь акбар, ва ля хлавля ва ля къуввата илля биллягь-ль-аьлийн-ль-аьзим. Ма шааллагу кана, ва ма ля яшъа ля якун. Аллагьумма анта-ль-хамилу аьля-з-загъри валь-мустааьну аьля-ль-умури».

9. Нигъачийсса клантгайх машина анаварну бачин буллан, цайминнийр хьхьичун буккан буллан къабучиссар. Хадисраву увкуну бур: «*Анаваршиву - щяйтланнуятури, паракъатшиву - Аллагнаятаури*» (ат-Тирмизи).

Цамур хадисраву Идавсил ﷺ увкуну бур: «*Хлакьну, Аллагнаан ﷻ ххирассар цалва лагьартуннал гьарзат пикри буну, паракъатну дуллалаву*» (аль-Бухари).

Анавар увкун, машина щийн-бунугу ягу ссайн-бунугу щун барча, мунихсса щалла аьй водительнайри, жавабгу ва дунияллий дакъасса, ахиратраву гу дулун багъантгиссар.

10. Рульданух нанисса чумал Аллагь ﷻ клици лаган хларачат буллан аьркинссар. Мухаммад Идавсил ﷺ увкуссар: «*Аллагь ﷻ уссар Цува клици лагайманацал*». (Байгъакь, ибну Хиьбан, ибну Мажагь). Аллагь ﷻ цащал усса инсан мудан урувчуну иклайссар.

11. Ххуллу нигъачлаву дусса бухурча, Шариаьтрайн буну мунийх машина бачин бан къабучиссар, хларамсар.

12. Баки баххана байсса, увччу айсса зад хларчун ягу дуркуну ухьурча, цукунчлав рульданух щяиклан къабучиссар, циксса чансса хларчарчагу. Увччу хьуну унува машина щун барча, халкуннал ва Аллагь Таабланал ﷻ хьхьичи жаваб дулун багъантгиссар.

13. Рульданух чивисса оьрчи, ягу машина бачин бан къаклулсса инсан цукунчлав щяитан къабучиссар.

14. Ца-цавай жагьилтал биклай машиналул рульданух «хьярчру» булла, машина инсаннайн нани буну, цавайсса чумал бацан булла. Мукунсса хьярчру буллан Шариаьтраву рухса бакъассар.

Хадисраву увкуну бур: «*Малаиктурал нааьна дайссар цаманайн ярагь бурган буманайн*».

15. Гьаравух машина анаварну бачин бан къабучиссар, бярдавацца чапалсса чентру лагма-ялттуминнайн къабагъаншиврул.

16. Машиналул къатув лирчусса, цайминнахун дахчин буюьайсса къай ганий дишин къабучиссар.

17. Чивусса инсантал заназисса клантгай машина хьунмаса халлай къабитан къабучиссар, гайннахун бахчинтгий бухурча. Муния инсантуран зарал биян буюьайссар: цу-унугу анаварсса, агьамсса масъалартту щаллу бан чал хьун буюьайссар, ягу духтур къашайшалацан чумуй къаиян буюьайссар. Винма хьуну къаччимур гайминнан буллан къабучиссар.

Жула Мухаммад Идавсил ﷺ увкуссар: «*Зул Иман камил къахьунтгиссар, зунма хьуну ччимур зулва диндалул уссураврангу хьуну ччан къабивкиссаксса*». (аль-Бухари).

18. Школардал, мадрасарттал, азарханардал, цайми инсантал бавтисса идарарттал чарах нанисса чумал аьркиншиву дакъанура сигнал дуллан къабучиссар, хаснува хьхьувай, халкъ шанашисса чумал. Шариаьтрайн буну халкуннахун ахчилан, винна бигъашиву дурну гаманан захиматшиву дан къабучиссар.

19. Цанасса чумал ца-цавай биклай куннан-ку хьунна бавкьукун, дяххуллий машинардугу бацан буну ихтилат булла. Шариаьтрайн жуятува тлав булла бур ххуллийн дагьну, занезиминнахун дахчилачимур дукъан, хлатта къартта, чару, ццац диклу, дяххуллий машина бацан баврия гьалгъавагу бакъар. «*Хлакьсса муьминчув муври, цал канища ва мазраца цайми бусурман бурувчусса*», – увкуну бур Бухарил ва Муслимул бувцусса хадисраву.

20. Буюьавай ххуллий хьунна авкьусса мусафир машиналий щяивтун, ганан аьркиннийн иян увну хьинссар. Мухаммад Идавсил ﷺ увкуссар: «*Бусурманчунан ца ишираву кумаг барча, Кьиямасса Кьини Аллагнайн ﷻ муная ца захиматшиву яла гьан дантгиссар*» (Муслим, Абу Давуд, ат-Тирмизи).

Къабучиссар машиналуву цуппалусса хьамитайпа щябитан, мунищал архал махрам акъахурча. Табаранил бувцусса хадисраву бур: «*Адамина ва хьамитайпа цивпалу цачун хьурча, миннацал шамулчинмурну щяйтлан биклайссар*», – тгий.

21. Чув-бунугу бацан бувсса машиналийн цакуну зуцава машина щурча, ганил заллу учланнин ацан аьркинссар. Ялугьий ацан буюьлай бакъахурча, вилва телефондалул номер ва адрес чивчусса чагьар къабитан аьркинссар, ва виьтува бивсса заралгу ардуину ягу цамур куцуй лахьан аьркинссар. Жула Идавсил ﷺ увкуссар: «*Цайминнан зарал биян мабаванна, винма бивмуничлагу ссавур дува*». (Дарукьутни, ибну Мажагь).

22. Машиналуву Кьурьандадул аятру чирчусса чагьар бишаву хьинссар. Амма мунил личисса кумаг къабантгиссар, вай ларай чирчусса адабру биттур къадулларча.

Аллагнайн ﷻ жунма кумаг баннав, жуява бала-апатру арх баннав. Амин!

Кьурамухаммад-Хажжи Рамазанов

Устазтурал, шайхтурал, валийтурал ххирашиву

Аллагъу Таабланал хъхъичіра-хъхъичі гьарца инсантурал рухІру ляхъан дурну, яла дунялгу, ахиратгу ляхъан дурссар дакъин дурну, чіюлу дурну. Яла Аллагъу Таабланал увкуссар ми рухІрттахъ «Зу зунна ччимур ихтияр дара (дурчІяра) вай кінниятугу» – куну. Зу цІана ихтияр дурмур, зува дуняллийн бувккун зунна дикІантІиссар – куну.

Яла ми рухІрдал куннил дунял ихтияр дурссар, куннил ахират ихтияр дурссар, куннигу ми царагу ихтияр къадурну увкуссар «Жу инава ихтияр увссара Аллагъ, жун инава акъа цама къачу, Аллагъ»-куну. Яла Аллагъналгу увкуссар: «Зу я дунял, я ахират ихтияр къадурну на ихтияр увунна. Нагу зу увкумур ківану къабувну цану битанна. Зу чІа увкумунингу жаваб дулаванна. Зу дуняллий халкъуннал хІухчалтнугу бикІантІиссару, ахиратлугу ми алжаннавун хъирив лахІайминугу бикІантІиссару» – куну. Яла мий мукун увкусса рухІртгатау дуняллийн бувккун устартал, шейхтал хъуссар. Утти, ми дунялгу, ахиратгу ихтияр дурми, рухІру чантІ увкуну увкуссар: «Устазтурал Аллагъ ччишиву ихтияр дурунни, му жуцава къавхъунни. Утти жувагу миннал ссимиялу бувгуну, миннацІун лавчІун, ми устазталну бугъанну, миннайну АллагъначІан биян» – куну. Цаппара миннацІун

лавчІиссар миннаятугу дуняллийн бувккун муридтал хъуну, устазтал бувгуну, миннайну хІакъмунин, тІайла бавцІуссар. Мий шайхтурал, устазтурал даражагу АллагъначІа хъинну хъунмассар. Идавстурал даражалул хъирив миннал даража буссар. Идавстал аъмну авватурайн тІайла бувссар. Валийтал хасну

КъюлтІсса, сиррийсса задру кІул хъанахъиссар. Цайминнал яруннин ххал шаймур миннал дакурдин ххал шайссар. ХІасил, Аллагънал мий шайхтал бувссавагу халкъуннал маслихІатранни, миннал дуаблухъун жаваб дуллуну халкъуннай цІими бан, миннал барачат биян. Халкъ бурувччуссавагу миннал

личІисса кІанай, ми цинявпагу ца сятраву литІурча, миннал гьарцанначІа му икІайссар. Гьарцаннал рухІ ласайни мунал карав бакІ дирхъуну, цІимилінури ласайсса. Муксса хъинбала мунаятугу бакъахъурча, му яла устазри тІий, устазшиврун угъан аьркин бакъассар. Муксса элму-кІулливу дакъасса шайхналгу устазра тІий,

хІисав-суалданичІа, ссиратІ-мизандалучІа гьарца нигъяту имин уллай, аьзабрая ххасал уллай личІи къашайссар алжаннавун ухханнин. Шайх ачирча ца ссапарданий, му нанисса ххуллий бусурмантурал хІатталугу духъурча, му хІатталлил агъулданул рухІру му учІаннин ца шиная хъхъичіра, му нанішиву кІул хъуну цалва-цалва кІялазурттай дацІайссар мунах ялугълай, му цацІана ивну, цахара дуаь дурну, цивппа аьзабрая ххасал банссар тІий хъулданий. Мунал дуаблухъун ххасал шайссар. Мукун цивппагу ххасал хъусса, цацІунма лавчІмигу ххасал байсса халкъри валитал. Мий кІицІ лавгтари цІмигу ликкайссар. Миннашал гьалмахчувшиву дурма саламатрайнгу уккайссар. МинначІа щяивкІма АллагъначІа щяивкІма кунассар. Миннал ссимиялу бувгума миннал хъирив ми бувхнингу уххантІиссар. Миннал я дуняллий, я ахиратлугу пашман шавугу дакъассар. Амма ва ахир гъансса заманавурув, мукунсса шайхталгу, валиталгу чанссар. Бумигу чІявуми къюлтІну кІул къахъанахъиссар. Шайхталлу тІмигу, цанма-цивппа шайхтал ххай чІявуми хъаврин хъуну, рабанийсса билаятрайтугу, рувхІанийсса караматрайтугу, РасулоЛлагънал ирсирая махІрумну, батІул хъуну, макъаматирттайнгу къалавхъун, макъасидругу хІасул къавхъуну личІайссар.



Ялувмур Къазанищливсса мукъа устазнал зиярат бусса хІатталу

хавастурайн тІайла бувссар. Валийтал Аллагънал нахІу къанкъри Мунал лухччинийсса. Сиддикъинтурал му къункъайн ссунтІа тІий, му къанкъ миннал дакІнин щілай, мунину Аллагънахсса шавкъ зияда хъанай, эбадат ххишала хъанахъиссар. Миннаву кашфурду, караматшиву дикІайшивугу хІакъссар.

дуаблухъун. ХІатта, миннал ци дуаь дарчагу Аллагънал миннахъхъун жаваб дулайссар. Жаваб дулайшиву миннан цаннагу кІулссар. Амма минналгу дуаь къадайссар, Аллагънал изну бакъана, дунял, халкъ цІарал ччучлай бухъурчагу. ХІатта ца шайхнал азара мюрид ухъурча, азарагу личІи-

муридтал бувгуну миннахъхъун вирд дуллангу аьркин бакъассар. ХІасил, хІакъсса шайхнал цала мурид ивкІуну гьаттаву ивхъуну, муначІа авцІуну, мунахлу мункар-накирнал мунахъ буллалисса суаллахъхъун жаваб дулайссар. Мунияр махъгу къиямасса къини Аллагъналгу, Идавсилгу хъхъичі ацІаннин,

«НасихІатуль-аввам»
(«ГьунчІукъатІан»)

Суфийтурал бусаларду

Качар

Джалалуддин Руми машгъурсса суфий ва шаэр ивкІссар. ЧІявусса инсантал бучІайсса бивкІссар ганачІан маслихІат бан ва аькьлу бусса мухъух вичІи дишин. Ца чІумал ганачІан цила оьрчІашал ца шарсса дуркІун дур. Ганил увкуну бур: – Ттул оьрчІал хъинну чІявуса качар букай. На ци бансарив къакІулну бура, ванал нацІушиву къакананшиврул. Ванал вин хъинну хъунмасса хІурмат бувайссар, муниятугу ванал вих вичІи дишинтІиссарча, буси инагу ванахъ чІярусса нацІушиву канан къабучІишиву. Руминал оьрчІахгу урувгун, куну бур: – Шанна нюжмардува бухъхъи. Хъамитайпа махІаттал хъуну: «Ца-кІива махъ учин захІматсса зад бакъархха!.. Архсса кІанттава бувксса инсантурангума Руминал захІматсса иширттаву гацІана кумаг бувай...», – тІисса пикрирду буллан бивкІун бур. Аммарив мютІийну шашпай лавгун, шанна нюжмардува ялагу бувкІун бур. Румил куну бур:

– ВичІи диша, ттул арс, чІявусса качар мабукаванна, мунил цІуллу-сагъшиврун зарал биян байссар. – Ина тІий ухъувкун, вил хІурматран ххишала къабуканна, – увкуну бур оьрчІал. Яла ниттил цила оьрчІахъ цуппа букканнин къатІув ацІугу куну, га къатлува увккуну, цІувххуну бур Руминахъ: – Шанна нюжмардул хъхъичі жу вичІан бувкІсса чІумалва мабукара циван къаувкуссия? Микку захІматсса цичІав бакъаяхха! – куну. Джалалуддин Руминал бувсун бур, цанмагу хъинну качар ххирашиву, муниятугу цаманнахъ мабукара учиннин, цаннагу му хасият къаритан багъшиву. Шанна нюжмардува бучІан баврил сававгу му диркІишиву. Цалва къабаймур цайминнан лахъхъин къабаву хІакъса суфийтурал лишанни. ХІакъсса суфий марцІива хъхъичіва хъхъичі цацІала. Мунал махъру ва аьмаллу ца лавхъхъусса бикІайссар, цалва къабаймур цаманнахъ бува тІун къаикІайссар.

Душиву

Ца чІумал халиф Оьмардун цавай инсантал хъуна бавкьуну бур цивппа уссурвал кунмасса дулталлу тІисса. Халифнал цІувххуну бур: «Зун кІуллив ваманачІа циксса арцу-муси дуссарив? Залуннахъ къацІувххунма ваманал арцу-мусий мий харж дуварув?» «Жу гьарцаннал так жулла арцу-муси дакъасса, ваманалсса харж къадувару» – увкуну бур «дустурал». Оьмар-асхІабнал чансса пикригу бувну увкуну бур: «Зул гьалгъалийн чІалай бур, зул ишру ххуйну бакъашиву. Зу мийжаннугу хІакъсса дулал хъунтІиссару, цукунчІавсса нигъ дакъа, щак бакъа ваманал арцу-муси цанма ччисса кІанайн харж дуллан бивкІукун, зуватусса ца ххарину ухъурча, ваймигу ххарину, пашманну ухъурча, ваймигу пашманну бусса чІумал. Зул гьарзад архІалсса дикІан аьркинссар, цанначІа думур ваманачІа чанну дикІан къабучІиссар. Мукунмийри хІакъсса дултал».

Пахрулул дару

Ца инсаннал увкуну бур Абу Язид аль-Бастаминахъ: «На чакру буллай, зумарду дугълай, эбадат дуллай 30-ра шинни, амма мунил нахІушиву ттун угтигу къабувчІунни». Аль-Бастаминал увкуссар: «Шантуршра шиная дулларчагу вин муния цичІав къабувчІинтІиссар». «Циванин къабувчІинтІисса?» – цІувххуну бур ганал. «Мунихун вил дакІ хъуншиву, пахру бахчилай бур». «Му пахрулия марцІ хъуншиврул на ци бан аьркинссар?» «Буссар ца дару, амма му вин къабакъинтІиссар» – куну бур аль-Бастаминал. «Буси ттухъ му дару!» «Ина аьркинссар вилва чІиригу къувкьуну кутІа бувну, ххирасса яннардугу лирккун, ссурсулийн гивхъру дирчусса къуцригу бувтун базаллувун гъан. Гиккун лавгукун, ина лахъну уча «Ттул ссурсулийн хъат риршуманан на гивхъ дулунна!» – куну. Яла мукун шагърулувух насу инава шагърулул хъуниминнан ккакканшиврул». «Му дару ттун къабакъинссар, цамур бакъассарив» – куну бур га инсаннал. «Цамур бакъассар, на вихъ нукьва бувссаяхха ва дару вин къабакъинтІишиву, му вил цІуцІаву цамур куцІуй хъин дан къашайссар» – увкуну бур Абу Язид аль-Бастаминал.

Цакуну шарссанийн ка лаярча чаклин иссаву зия шайс-сарив?

Имам Шафиънал мазгъабрайн буну ласнал цакуну шарс-санийн ка лаярча, чаклин иссаву зия шайссар ласналгу шарссанилгу.

Бакрай така ягу къяпа бишаву суннатсар тун биклай. Мукун чув чивчуну буссар?

Адиминал бакрай така дишаву суннатсар. Идавсил ﷺ оърмулия бусласисса луттирдаву чивчуну бур ганал мудан бакрай така дишайсса диркйшиву. Ялагу увкуну бур Идавс ﷺ ва дуняяллия лавгукун, цалла хъирив ганал мукъра така къадиртшиву. Исламрал фикъгылул (юриспру-денция) луттирдаву увкуну бур бакрай зад дака чак баву къахъинсар тий. Така хъанахъиссар бусурманчувнал ца загъирсса лишанну. («Фазаилул хлабиб», «Нурул Оъюн»).

Тун килли дунгъузрал дик дука къабучишиву. Бучиссарив ми бахлай маша буллан?

Дунгъуз баххан къабучиссар, хларамссар. Мунин далил-ну хъанахъиссар Абу Ёурайратлул бувъсса Мухаммад Идавсил ﷺ хадис: «Хакъну Аллагнал ﷺ хларам дурссар хлан ва ганих ляркъусса арцу, хларам дурссар бивкъусса хлайвандалул дик ва ганих ляркъусса арцу ва хларам був-сар дунгъуз ва ганих ляркъусса арцу». Дунгъузру бахлай маша буллалиминал Аллагнахлуну ﷺ му санят къади-тарча, Аллагнал ﷺ мунан ганияр цуксагу ххуйса ризкъ булунтиссар. Жунма мудан дакний биклан аьркинссар Зан-нал ﷺ жунма чивчумур жучлатува чунчлав къагъантйшиву, чара бакъа бучантйшиву. Муният хларамну хъусгу ляркъу-ну, ахиратлуву аьзав ларсуннир, хлалану гайксара хъусгу ляркъуну Аллагъ ﷺ рязи увну къахъиннив!

«Бисмиллагъи-р-рахъмани-р-рахъим» ци чумал учин аьркинссар?

«Бисмиллагъ» учаврил буссар мукъва хукму: важиб, суннат, карагъат, хларам. Ёарца чакливу «Альхамрал» хъхъичи учаву важибри, чара бакъа учин аьркинссар. Ххуйсса даву дуллан айишайни, масала, чаклин ислай, дукра канай, дарс лахълай ва м.ц. «бисмиллагъ» учаву суннатсар. Буну къахъинсса, карагъат-сса зад бан нанисса чумал учаву къахъинссар, карагъатсар. Бунагъ бан, хларамсса зад бан нанисса чумал, масала, хлан хлачлан, зуна бан, цурк бан нанисса чумал «бисмиллагъ» уча-ву хларамссар. Агар зуна бан нанисса чумал хъярчиран ягу къюкъалалун «бисмиллагъ» учирча, чапур шайссар.

Ца-цавай биклай жама-аьт-чакливу ччаннай ччан бизлай, ччаннал кхисри куннин-ку щун баву суннатри тий. Му тлайлассарив?

Жамааьт чакливу бавцусса чумал суннатсар хъачру ва ччанну лаян буну бацлаву. Ччаннай ччан бизлан къабучиссар, мунил чакливу инсан-нал хлузур ххийн байссар. Цанасса чумал ца-цавайннал цалва ччанну хъиннува куннин-ку архну бихълай, хъачру куннин-ку щун къадитай, мукун бацлаврийну суннат зия буллалиссар, му бидъаь хъанахъиссар.

Хъатлан чаклил чун та къуртал шайссар?

Хъатлан чаклил чун диклайссар кюрххил чаклил чун хъуннин.

Тул дур кредитрай банкрая ларъсса арцу. Бучиссарив ми арцу хлажлив гъан?

Кредитрай арцу ласаву хларамссар, муният ми арцу хлажлив гъан къабучиссар.

Оьл тгизлазисса чумал накливун цакуну нажасъсса задрал кунт багъарча, гай нак хлачлан хлалалссарив?

Оьл тгизлазисса чумал накливун чапалсса зад дагълай духурча, гай нак хлачлан бучиссар, гайннул ранг, тин, къанкъ даххана къахурча. (Шархул мафруз)

Цал-цал нюзмар чаклий чявусса халкъ бухурча, на чларавминнал чувин увну, ттун хъазам къиблалия чансса чулинмай кюра баян бан багъай, амма на лажин къиблалин дурган дурнура дитара. Мукун бувсса чак хисавссарив?

Чакливу чара бакъа къиблалул чулинмай хъазам бурган бан аьркинссар. Лажин дурган даву къагъассар. Муният, лажин тлайлану дурган дарчагу, хъазам цамур чулинмай бурган буллай бухурча, чак зия шайссар. (Шархул мафруз)

ХХИРАССА УССУРВАЛ ВА ССУРВАЛ!
НАЙ ДУССАР 2012-КУ ШИНАЙССА "АС-САЛАМ" ККАЗИТРАЛ
ПОДПИСКА.
ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА МУКУНМА
ГЪАРЦА РАЙОННАЙССА ЖУЛ ВАКИЛТУРАЙХЧИН.
ЛАККУ МАЗРАЙССА ККАЗИТРАЛ ШИНАЙССА БАГЪА ХЪАНАХЪИССАР 247 КЪУРУШ, ОЪРУС МАЗ-
РАЙССА ККАЗИТРАЛ – 535 КЪУРУШ.
ЛАКРАЛ ВА ККУЛЛАЛ РАЙОННАЛ ККАЗИТ ЧИЧАВРИЛ ВА БИЯН БАВРИЛ ХАКЪИРАВУ ВАЙ НОМЕР-
ДАЙХ ОЪВЧИН БЮХЪАЙССАР: 8-928-980-25-19, 8-988-699-28-15, 8-964-003-32-95, ЦИУССАЛАКРАЛ
РАЙОНДАЛИЙ ВА НОВОСТРОЙРАЙ: 8-928-961-72-11.
ДАКИ ДАРЦИНУ БУРУ, ЖУЛА ХХИРАССА БУККУЛТ,
ККАЗИТ БАКЪА КЪАЛИЧИАНССАР ТИЙ.
АС-САЛАМ ККАЗИТРАЦАЛ ЗУЛ КЪАТРАВУН ДУХХАНТИССАР
ХХАРИШИВУ ВА БАРАЧАТШИВУ. АЛЛАГЪНАЛ КУМАГ БАННАВ!

ДУАЪ

КЮРХХИЛ ЧАНТИ УВКУКУН ДУККАЙССА ДУАЪ

الْحَمْدُ لِلَّهِ الَّذِي أَحْيَانَا بَعْدَ مَا أَمَاتَنَا وَإِلَيْهِ النُّشُورُ

Альхамдулиллягъи лязи ахъяна бяъда ма аматана ва илайгъи ннушур

Аллагнайн ﷻ щукру жу литун буну махъ утта-ва бувсса, Занначланну ﷻ жу кюра баянтиссагу

Хурмат бусса уссурвал ва ссурвал!
Зунма цлуххин ччисса,
Исламрацун, Шариаьтрацун,
кулпатрал багъу-бизулуцун бавхлусса ва цаймигу суаллу
гъан бан бюхъайссар SMS – райхчин ва номерданийн:
8-928-580-37-89
e-mail: assamlak@mail.ru

Рузнама

Апрель

Къни	Кюрххил чак	Баргъ буккаву	Ахтгайн чак	Ахтгакун чак	Маркйачан чак	Хъатлан чак
1	5:50	7:29	13:53	17:27	20:18	21:44
2	5:48	7:27	13:53	17:27	20:19	21:46
4	5:44	7:23	13:52	17:28	20:21	21:49
6	5:40	7:19	13:51	17:29	20:23	21:52
8	5:36	7:16	13:51	17:30	20:26	21:55
10	5:32	7:12	13:50	17:31	20:28	21:57
12	5:28	7:09	13:50	17:32	20:31	22:00
14	5:22	7:05	13:49	17:33	20:34	22:04
16	5:18	7:01	13:48	17:33	20:36	22:07
18	5:13	6:58	13:48	17:34	20:38	22:10
20	5:10	6:56	13:47	17:35	20:40	22:13
22	5:05	6:53	13:47	17:35	20:42	22:15
24	5:01	6:50	13:47	17:36	20:44	22:19
26	4:57	6:47	13:47	17:38	20:47	22:23
28	4:52	6:44	13:46	17:38	20:49	22:26
30	4:49	6:41	13:46	17:39	20:51	22:29